

الأسفار التاريخية

ملوك الأول

من الرخاء والازدهار إلى الانقسام والانحدار

بعد فترة رائعة و مستقرة لإسرائيل في مُلك داود ثم سليمان, يفشل أحفاد داود في الحفاظ على وحدة المملكة ويبدأ الشعب في البُعد عن ربنا ... وربنا يرسل أنبياء لتحذير الملوك و الشعب و تشجيعهم على التوبة, لكن قليلون من ملوك يهوذا فقط يستجيبون

ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخيلنا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

i عن السفر



الصورة من موقع BibleProject

عدد الإصحاحات: 22

? ظروف الكتابة:

- زي ما شُفنا في سفر صموئيل، داود كان ملك عظيم على إسرائيل كلها (كمملكة واحدة)، و ربنا وعده إن المسيح هيجي من نسله (صموئيل الثاني 7)
- سفر ملوك الأول بيكمل زمنياً بعد صموئيل الثاني (اللي انتهى في شيخوخة داود الملك)
- بيتكلم عن 100 سنة من الملوك بعد داود من سليمان (حوالي 1000 ق.م.) لحد آخاب الملك (في إسرائيل) و يهوشافاط الملك (في يهوذا)
- كاتب السفر هو في الأغلب إرميا النبي نقلاً عن كتابات جاد النبي و ناثن النبي

✓ هدف السفر:

سفر الملوك بيحكي عن ملوك كثير في ظروف متشابهة و نتائج مختلفة: معظمهم كانوا بعيدين جداً عن ربنا و تسببوا في انهيار مملكة إسرائيل، بينما كان فيه بعضهم أبرار ... إحنا عندنا دايماً اختيار مهما كانت ظروفنا ممكن نختار نمشي في سكة ربنا (زي يهوشافاط مثلاً) أو نبعد عنها (زي آخاب مثلاً)

🔑 مفاتيح فهم السفر:

سفر الملوك اتكتب سفر واحد على بعضه يحكي قصة شعب إسرائيل من أول ملك سليمان لحد السبي ... التقسيم إلى سفرين (ملوك الأول و ملوك الثاني) هو تقسيم للتنظيم بس (زي سفر صموئيل النبي)

☑ ترتيب السفر

بعد داود الملك العظيم جه سليمان اللي بدأ بداية رائعة و بنى الهيكل ... لكنه زاغ بعد كده و انقسمت المملكة في عهد ابنه، و بلغ الشر أقصاه في مملكة الشمال في عهد آخاب الملك بينما ربنا يرسل أنبياءه تحذيراً للشعب

إصحاح 1 و 2

موت داود



وصية داود لسليمان ثم موت داود

إصحاح 3 ل 8

ازدهار سليمان



فترة رضاء وراحة في مُلك سليمان وبناء الهيكل

إصحاح 9 ل 11

سقطات سليمان



الرفاهية الزيادة و الزوجات العديدات في حياة سليمان

إصحاح 12 ل 16

انقسام المملكة بعد سليمان



انقسام إسرائيل لمملكة الشمال البعيدة عن الله (10.5 سبط) و مملكة الجنوب (يهوذا) التي فيها الهيكل

إصحاح 17 ل 22

إيليا و آخاب



المملكة الشمالية الشريرة تبلغ أقصى شرورها على يد آخاب و مواجهة إيليا النبي له

ملخص السفر

1: موت داود

إصحاح 1 و 2



الصورة من موقع BibleProject

● إصحاح 1: انتقال المُلك من داود لسليمان

- و الانتقال ده مكانش هيّن لأن في آخر أيام داود (بعد ما شاخ), **حاول أدونيا يعمل زي أبشالوم و ياخذ المُلك** (رغم إن داود كان واعد سليمان بالملك, و المقرّبين له كانوا عارفين) ... و أدونيا كان معاه أبياثار الكاهن و يوآب رئيس جيش داود
- لكن المرة دي **بفضل ناثان النبي, لحق المؤامرة قبل تنصيب أدونيا ملكاً**, بلّغ داود اللي أمر بتنصيب سليمان كملك حالاً ... و ده اللي حصل

● إصحاح 2: الانتقام من أعداء داود و سليمان

- داود قبل موته أوصى سليمان ب 3 أشخاص:
- 1. **يوآب رئيس الجيش**: بالشر, لأنه قتل قادة تانيين من غير علم داود عشان يحافظ على مكانه كرئيس للجيش ... و فعلاً سليمان أمر بنيياهو بن يهوئاداع بقتله و صار بنيياهو رئيساً لجيش سليمان
- 2. **برزلاي الجلعادي**: بالخير مع أولاده لأنه وقف مع داود و ساعده لّمّا هرب من أبشالوم

🎤 نقدر نسمع تأمل عن برزلاي في **الوعظة دي**

- 3. **شمعي بن جيرا**: بالشر, لأنه سبّ داود ظلماً وهو هربان من أبشالوم ... في الأول سليمان ألزمه بالإقامة الجبرية في أورشليم, لكن لّمّا خرج منها أمر بنيياهو إنه يقتله

💡 يمكن داود هنا كان خايف على سليمان لأنه لسة صغير و وجود ناس أقوياء غير أبرار (زي يوآب) أو كارهين (زي شمعي) خطر على سليمان

- و مات داود أعظم ملك في تاريخ إسرائيل ... و تثبّتت مملكة سليمان جداً بعد ما كمان:
- 1. قتل **أدونيا** لأنه طلب يتجوّز ابيشج الشونمية (اللي كانت بتخدم داود في آخر أيامه وكانت زي الملكة) ... يعني أدونيا كان لسة طمعان في المُلك
- 2. حدّد إقامة **أبياثار** الكاهن و عزله عن الكهنوت (لأنه تحالف مع أدونيا) و استمرّ صادق الكاهن بس

احفظ شعائر الرب إلهك, إذ تسير في طريقه, وتحفظ فرائضه, وصاياه وأحكامه وشهاداته, كما هو مكتوب في شريعة موسى, لكي تفلح في كل ما تفعل وحيثما

توجهت

ملوك الأول 2 : 3

أول وصية من وصايا داود الوداعية لسليمان: إنه يحافظ على العهد مع ربنا و يحفظ وصاياه
 ما أجمل الأب اللي يسلم ابنه وصايا ربنا و تبقى دي أهم وصية من الأب لابنه

نتعلم إيه؟

خطايا بأشكال كثير ممكن تعطل حياتي مع ربنا زي يوتاب (خطية و شر واضح متعب) أو أدونيا
 (كبرياء) أو شمعي (بيدبر شر في الخفاء) أو أباثار (علاقة مزيفة و غير حقيقية مع ربنا)
 🙏 يا رب خليني أقضي على كل الشياطين دي جوايا عشان ماتتعبنيش بعد كده في حياتي

2: ازدهار سليمان

إصحاح 3 ل 8



الصورة من موقع BibleProject

• إصحاح 3: سليمان يطلب الحكمة

- يبداً فُلك سليمان بقلب مستقيم زي قلب داود أبيه، و رغبة حقيقية في علاقة مع ربنا (سليمان في يوم 1 قَدَّم 1000 ذبيحة)
- ربنا جاله في حلم و قال له: تطلب إيه؟ سليمان ردّ الردّ المثالي: يا رب أنت أعطيتني مسئولية صعبة، إديني الحكمة و المعونة إني أقدر أكملها
- ربنا عجبه جداً قلب سليمان اللي لم يطلب غنى ولا طول عُمر ولا غياب أعداء، **فرينا أعطاه الحكمة (الصفة اللي ميّزت سليمان) وأعطاه كل الباقي** (غنى عظيم جداً مالوش مثيل، و عُمر طويل، و سلام تام)

💡 **إصحاح 4** بيلخص لنا الخير والبركة اللي ربنا أعطاها لسليمان: خير و غنى في الأرض - سلام مع كل الأمم اللي حوالية - رضا و سلام مع شعبه - حكمة عظيمة مافيش زيها في الأرض كلها

● **إصحاح 5 ل 7: بناء الهيكل**

- **(إصحاح 5) الاستعداد لبناء الهيكل** - أكثر حاجة اهتم بيها سليمان بعد ما ربنا رّجحه إنه يبني الهيكل ... و داود أبوه كان مسّلمه الوصية دي، و قال له إنه هو اللي يبني الهيكل. و سليمان جمع نخّاتين عشان يجفّعوا حجارة لبناء الهيكل، و عمل صفقة مع حيرام ملك صور عشان يجيب له الخشب اللازم
- **(إصحاح 6) بناء الهيكل** - في السنة الرابعة لملك سليمان بدأ ببناء الهيكل العظيم اللي أخذ 7 سنين في بنائه، وكان كلام ربنا لسليمان واضح جداً: إن ربنا عايز يسكن وسط شعبه (و دي فايدة الهيكل في العهد القديم: إنه بيمثّل حضور الله وسط شعبه عشان يباركهم ... عشان كده في العهد الجديد نحن هياكل لله لأن الروح القدس حلّ فينا بالمعمودية)

💡 **في الوقت ده سليمان كتب مزمور 127 (إن لم بين الرب البيت)**

- **(إصحاح 7) بناء بيت سليمان** - بيت فخم جداً أخذ 13 سنة ... و بيوصف الإصحاح ده عظمة الهيكل و تكوينه (و ناخذ بالنّا من معنى جميل جداً في تسمية العمودين الرئيسيين اللي شايلين الهيكل فيهم الاتّكال على الله: بوعز و ياكين، يعني: الله قوّتي - و الله يثبّت)

● **إصحاح 8: تدشين الهيكل**

- أعظم يوم في حياة الملك سليمان: يوم تحقيق ربنا لوعده لداود إن ابنه يبني له بيت ... و يسكن الله وسط شعبه

- سليمان (عن طريق الكهنة و اللاويين) في احتفال عظيم حضره كل الشعب جاب تابوت العهد (اللي كان فيه لوي الشريعة) و وضعه في مكانه في الهيكل وسط ذبائح لا تُعدّ و لا تُحصى ... **و ربنا قصاد هذا القلب العظيم المتواضع, ملأ بحضوره المكان**
- و سليمان وقف و رفع يديه و صلّى قدام الشعب صلاة رائعة فيها التالي:
 1. شكر لربنا إنه كَمَلَّ عهده مع داود (إن سليمان يبني الهيكل)
 2. صلاة لاستكمال باقي العهد (إن نسل داود يفضلوا ملوك قدام ربنا للأبد إن حفظوا وصاياه و سلكوا حسب كلامه)
 3. بمنتهى التواضع سليمان كان فاهم إن رغم فخامة الهيكل إلا إن السماء كرسي الله و الأرض موطن قدمه ... و بالتالي ربنا من تواضعه إنه يحضر في الهيكل
 4. طلب رحمة الله إذا أخطأ شعبه و ربنا عاقبهم ... بعد كده تابوا و صلّوا ناحية الهيكل وطلبوا حضور الله تاني (و ده اللي حصل في السبي)
 5. طلب رحمة الله إذا أخطأ شعبه و ربنا عاقبهم بغياب المطر و الخير أو بالوباء و المرض... بعد كده تابوا و صلّوا في الهيكل وطلبوا حضور الله تاني (و ده اللي حصل بعد العودة من السبي)
- كمان سليمان طلب من ربنا استجابة إذا صلّى أجنبي عن شعب إسرائيل بإيمان بالله
- و استمر العيد ده 14 يوم كاملين فيه فرح سليمان و كل الشعب و حسّوا بحضور و بركة ربنا

💡 صلاة سليمان رائعة متقسمة جزء شكر لربنا (بيقال لحد دلوقتي في طقس تدشين الكنائس) و جزء صلاة و طلبه من ربنا (شبه الأواشي اللي بنقولها في القداس)

فأعطِ عبدك قلباً فهِمًا لأحکم على شعبك و أميّز بين الخير و الشر، لأنه من يقدر أن يحکم على شعبك العظيم هذا؟

ملوك الأول 3 : 9

سليمان قلبه عجب جداً ربنا لأنه كان مستقيم و مرکز بس في رسالته و خدمته كراعي لشعب ربنا ... عشان كده ربنا باركه بركة عظيمة جداً

نتعلم إيه؟

سليمان طلب صخ فنال كل الخير ... طلب قلب حكيم و ناله مع غنى و سلام و بركة و أصبح اسمه مرتبط ببناء بيت ربنا

🙏 يا رب خليني أطلب صخ: قلب نقي طاهر ... و أثق إني لو بقى عندي القلب ده هيبقى عندي بركة عظيمة من عندك

3: سقطات سليمان

إصحاح 9 ل 11



الصورة من موقع BibleProject

• إصحاح 9: وعد و تحذير

- ربنا ظهر تاني لسليمان (غالباً بعد وقت من بناء الهيكل و كان ساعتها سليمان بدأ ينحرف)

وقال له:

- أنا سمعت صلاتك و عايز أسكن في البيت اللي بنيته لي ... و لو حافظت كشعب على وصاياي، فعهدي معكم يدوم إلى الأبد
- لكن! لو نقضتم العهد وعبدتم آلهة أخرى، أنا كمان هاتركم (و ده اللي حصل فعلاً وقت السبي، و بعد كده لَمَّا رفضوا المسيح)

● إصحاح 10: ملكة سبأ تزور سليمان

- إصحاح جميل فيه آية (يرى الناس أعمالكم الصالحة فيمجدّوا أباكم الذي في السموات): سبأ دي غالباً هي إثيوبيا و كانت زمان مملكة غنية جداً ... و الملكة دي جت تسمع من سليمان اللي حكمته وصلت لكل العالم، و لَمَّا شافت حكمته و الخير اللي ربنا أعطاه له، مجّدت ربنا

الإصحاح الجي هنلاقي حد ثاني خالص غير اللي بدأ حياته بطلب قلب حكيم من ربنا و بنى الهيكل ... لكن الحقيقة لو دققنا في الإصحاحات اللي فاتت هنلاقي ثعالب صغيرة كتير في حياة سليمان سمح لها إنها تستمر لحد ما وقع في زليقة صعبة جداً:

1. **اتجوّز من الأمم** اللي ربنا قال لشعبه لا يختلطوا بهم خالص ... كانت جوازات لمصالح سياسية (زي ابنة فرعون) و دون استشارة ربنا بل كمان أعطى حيرام ملك صور 20 مدينة من الجليل (و بدأ من هنا الجليل يبقى اسمه جليل الأمم)
2. **دقّع الأسباب ضرائب ماعدا سبط يهوذا و ده عمل تمييز شوية في الشعب** و عمل تسخير صعب جداً عشان يبني المباني الفخمة زي قصره ... و ده اللي خلّى الشعب يطلب بعد كده من ابنه إنه يقلّل عليهم الحمل و الضرائب
3. الغنى و الكنوز و الترف و الرفاهية اللي عملها سليمان لنفسه كانت لا توصف ومالهاش أي سبب (موصوفة في إصحاح 10) ... **الرفاهية الزيادة دي باب واسع آخره الهلاك**
4. **كتر جيشه و خيله جداً** رغم إن ربنا كان مديله سلام

وصية ربنا للملك

و لكن لا يكثر له الخيل، و لا يردّ الشعب إلى مصر لكي يكثر الخيل، و الرب قد قال لكم: لا تعودوا ترجعون في هذه الطريق أيضاً. و لا يكثر له نساء لئلا يزيغ قلبه. و فضة و ذهباً لا

يكثر له كثيراً.

ثنية 17 : 16 و 17

• إصحاح 11: سقوط سليمان

- سليمان انتهى به الحال و زيغان القلب إنه اتجوز 1000 سيدة أغلبهم وثنيات من الشعوب الكثيرة اللي حوالهم
- نساءه أملن قلبه وراء آلهة أخرى، و لم يكن قلبه كاملاً مع الرب إلهه كقلب داود أبيه
- و بالتالي ربنا بدأ يهيج بعض الأعداء على إسرائيل من الخارج و من الداخل تنبأ أخيا النبي ليربعام إنه يملك على 10 أسباط (بعد ما المملكة تنقسم) ... و سليمان بدل ما يكون الملك المثالي، ربنا بس عمل له خاطر لأجل داود
- مات سليمان بعد 40 سنة من الحكم و ملك ابنه ربعام

💡 طبعاً معظم الآباء يقولوا إن سليمان تاب في آخر أيامه و كتب سفر الجامعة

فغضب الرب على سليمان لأن قلبه مال عن الرب إله إسرائيل الذي تراءى له مرتين

ملوك الأول 11 : 9

نهاية صعبة لسليمان اللي اتعلمّ الدرس و كتب سفر الجامعة، لكن خلص كما بنار رغم إن بدايته كانت رائعة


نتعلمّ إيه؟

ضبط النفس ... سليمان مشي ورا رغباته الجسدية و النفسية فأهمل احتياجاته الروحية و سقط و كان هيهلك، بينما الإنسان المسيحي السوي لازم يُعطي جسده و نفسه لحد الشعب من الاحتياجات بس، و يطلق الفرصة لرغبات روحه و قربه من ربنا

يا رب ماتخليش الغنى ينسيني نفسي و يخليني أندفع ورا رغبات مش هاستفيد منها
بحاجة ... خليني أشبع بك أنت يا رب لأن من غيرك مهما مشيت ورا رغباتي مش هلاقي
الشعب

4: انقسام المملكة بعد سليمان

إصحاح 12 ل 16



الصورة من موقع BibleProject

• إصحاح 12: انقسام المملكة

- بعد موت سليمان، رجع ربعام و الشعب يطلبوا من الملك الجديد (ربعام ابن سليمان) إنه يخفف عليهم الضرائب ... الملك استشار الشيوخ فقالوا يعمل كده طبعاً تجنباً لعداوة مع الشعب و عشان يكسبهم من الأول
- لكن الملك ماسمعش كلام الشيوخ بل كلام أصحابه اللي قالوا له يزود النير على الشعب عشان يعرفوا إنه ملك قوي ... للأسف الملك مش بس رفض طلب الشعب، بل جاوب بمنتهى العنف و التهديد

- وكانت نتيجة هذا الرد الأحمق هو انقسام المملكة: كل الأسباط (ما عدا يهوذا) انقلبت و ملكت يربعام بن نباط و عملت مملكة إسرائيل وعاصمتها السامرة ... بينما سبط يهوذا بس هو اللي فضل مع رجبام و العاصمة كانت أورشليم
- مش كده و بس، للأسف يربعام ده (رغم إن ربنا قال له زي داود إنه لو سار أمامه و سمع كلامه هايباركه) فكَرّ و قال: لو الشعب فضل متمسك بربنا، هايحبوا يروحوا أورشليم و يرجعوا لرجبام و يقتلونني ... فدخّل عبادة الأوثان (نفس الخطية اللي عملها الشعب في البرية لقا موسى طلع يستلم الشريعة و تأخر)
- **يربعام أصبح مقياس الشر لأنه أول واحد دخل عبادة الأوثان المنظمة و أمال الشعب عن ربنا ... و ارتبط اسمه بصفة (الذي جعل إسرائيل يخطئ)**

● إصحاح 13: هدم مذبح الأوثان و عدم توبة يربعام

- ربنا أعطى فرصة عظيمة جداً للتوبة لمملكة الشمال (عشان يرجعوا له و يتوقفوا عن عبادة الأوثان): رجل من رجال الله راح بيت إيل بينما الملك يذبح للأوثان.
- و تنبأ إن هيبجي من نسل داود ملك اسمه يوشيا يهدم هذا المذبح و يقضي على كهنة الأوثان
- و أعطى علامة تحققت في ساعتها: إن المذبح ينشق و يذرى الرماد الذي عليه ... و ده حصل فعلاً
- و لقا يربعام مدّ يده يحاول يوقفه، يبست يده ... و قال لرجل الله يصلي له فعادت يده صحيحة

للأسف لم يُثب يربعام رغم وضوح الإنذار و قوة المعجزة و رحمة ربنا بل استمر في عبادة الأوثان، ف جاء عليه عقاب ربنا في الإصحاح الجي

إصحاح 14: نهاية يربعام ورجبام

الملك	الأحداث
يربعام	<ul style="list-style-type: none"> ● قرّض أحد أبناء يربعام مرض شديد، فأرسل يربعام زوجته لأختيا النبي (اللي تنبأ له إنه يملك بعد سليمان على الـ10 أسباط) ● و ربنا أرسل ليربعام الجواب القاسي اللي يستحقه بسبب عدم توبته و بسبب إنه وقّع كل إسرائيل في الخطية: <p>1. الابن ده هيموت لكن يُدقن في قبر بكرامة</p>

الملك	الأحداث
	<p>2. إن كل نسل يربعام هيبنى بلا كرامة (من مات في المدينة تأكله الكلاب و من مات في الحقل تأكله طيور السماء)</p> <p>3. إن إسرائيل هيبنى عن أرض الموعد بسبب عبادة الأوثان اللي بدأها يربعام</p>
ربعام	<ul style="list-style-type: none"> • للأسف يهوذا لم تكن أفضل حالاً: هم كمان كانوا أشرار و عبدوا الأوثان ... طبيعي لأن ربعام ابن سليمان من أم عقونية يعني مش من شعب الله بدأت عبادة الأوثان في يهوذا كمان (و إن كانت بدرجة أقل من إسرائيل) • و بدأت المملكة حالها يضعف و تفتقر و يبقى ليها أعداء ... و مات ربعام و فلّك بعده ابنه أبيام.

• إصحاح 15 و 16: إسرائيل تزداد شراً و يهوذا تعود إلى طريق داود

- بالنسبة ليهوذا: تعود إلى طريق داود
 - فلّك **أبيام** اللي كان أوحش حتى من أبيه ربعام
 - بعد كده كان ملك بار اسمه **آسا**, ده أزال عبادة الأوثان و النجاسات اللي كانت بدأت أيام ربعام
- بالنسبة لإسرائيل: تكمل سكة يربعام
 - فلّك **ناداب** اللي كان أوحش حتى من أبيه يربعام
 - جه واحد اسمه **بعشا** قتله و أنهى عائلة يربعام (زي النبوة اللي في إصحاح 14), لكن برضه كان شرير
 - فلّك **أيلة** اللي كان أوحش حتى من أبيه بعشا
 - بعد كده جه واحد اسمه **زمري** قضى على نسل بعشا
 - كان هو كمان ووحش, و حصل انقلاب بعد انقلاب لحد ما جه **عمري** (أبو آخاب اللي هو أسوأ ملك في تاريخ إسرائيل (زي ما شهد الكتاب و زي ما هنشوف)
- طول الفترة دي استمرت حالة الحرب بين يهوذا وإسرائيل, لدرجة إنهم كانوا يستعينوا بأهم تانية (زي أرام) عشان تساعد طرف ضد الثاني

و عمل أخاب بن عمري الشر في عيني الرب أكثر من جميع الذين قبله. و كأنه كان أمراً زهيداً سلوكه في خطايا يربعام بن نباط, حتى اتّخذ إيزابل ابنة أتبعل ملك

الصيدونيين امرأة، و سار و عبَد البعل و سجد له. و أقام مذبحاً للبعل في بيت البعل الذي بناه في السامرة. و عمل أخآب سوارى، و زاد أخآب في العمل لإغاةة الرب إله إسرائيل أكثر من جميع ملوك إسرائيل الذين كانوا قبله. في أيامه بنى حيئيل البيتئيلي أريحا. بأببرام بكره وضع أساسها، و بسجوب صغيره نصب أبوابها، حسب كلام الرب الذي تكلم به عن يد يشوع بن نون.

ملوك الأول 16 : 30 ل 34

انحدار رهيب في مملكة إسرائيل و كل ملك أسوأ بكثير من اللي قبله لدرجة إنهم أصبحوا أسوأ من الأمم اللي حوالىهم و بنوا أريحا تاني (اللي بسبب شرّ سكانها طردهم ربنا و أعطاهما لإسرائيل)

كل ده و ربنا متمهل و بيديّ فرصة ورا فرصة للتوبة و الرجوع ... مانفعلش و بالتالي هتبدأ فترة النبوات و التحذيرات زي ما هنشوف


نتعلم إيه؟

سكة من 2 هيمشي فيها و يتقيّم على أساسها أي ملك: سكة داود (القلب النقي اللي عايز يتوب و يحافظ على وصايا ربنا) و سكة يربعام (اللي باصص في الدنيا بس و مش مهم بالنسبة له ربنا خالص)

🙏 يا رب واضح جداً نتايج كل سكة من 2 ... إديني أختار طريق الحياة و البركة

5: إيليا و آخاب

إصحاح 17 ل 22



الصورة من موقع BibleProject

• إصحاح 17: إعداد إيليا النبي

- جه إيليا النبي الناري (أحد النساك اللي عايشين في الجبال) في هذا الوقت الصعب جداً روحياً، و ربنا أعدّه لمواجهة كبيرة جداً من خلال

○ تحذير واضح:

المطر هيقف لحد ما أنا أقول. طبعاً ده لأن البعل إله الخصوبة و الناس كانت فاكرة إن هو اللي بيدّيه المطر و الخير ... و طبعاً لقا إيليا قال إن المطر هايقف، الكل استهان بكلامه

○ يعوله الغراب:

إيليا راح عند نهر قرب نهر الأردن وكان يشرب من النهر وكانت الغربان تعوله بخبز و لحم صباحاً و مساءً ... عدّى وقت طويل (سنين) و النهر جفّ

○ تعوله الأرملة:

ربنا قال له يروح لأرملة من صرفة صيدا (بلد إيزابل!) و هي تعوله، عشان يؤكد له إن الخير بييجي من مصدر غير متوقّع خالص ... و هناك الزيت و الحقيق اللي عند الأرملة لم ينقص و لم يزد (عشان تفضل المعجزة بتحصل كل يوم، مرتبطة بإيمان المرأة)

○ معجزة عظيمة:

إقامة ابن الأرملة من الموت ... مات رغم إن معجزة الأكل شغالة, لكن بالإيمان (إيمان إيليا) عاش ثاني (و دي أول معجزة إقامة أموات في الكتاب المقدس)

🎤 الإعداد ده خلى إيليا جاهز للمواجهة العظيمة زي ما نسمع في وعظة إيليا رجل
المواجهة

● **إصحاح 18: المواجهة بين إيليا و أنبياء البعل**

- جه وقت المواجهة: إيليا بعد 3 سنين من غياب المطر (جوع شديد جداً) راح لخاب و قال له يجمع كل الشعب و أنبياء البعل إلى جبل الكرمل ... و هناك إيليا تحدّى الشعب إنهم يؤمنوا بالله (لكن لسة الشعب بقى عنده قناعة إن البعل مش الله, لكن لسة مش عارفين ربنا)
- و كان التحدي: إيليا من ناحية و أنبياء البعل من ناحية يضعوا ذبيحة على مذبح, و الإله الحقيقي هو اللي ينزل نار من السماء على الذبيحة ... بدأ أنبياء البعل و طبعاً ما فيش حاجة حصلت, و جه الدور على إيليا اللي صلّى و ربنا استجاب بنار عظيمة أكلت الذبيحة و المذبح
- الشعب رأى و آمن و تاب و قتلوا أنبياء البعل ... و مع التوبة رجع الخير و نزل المطر

● **إصحاح 19: إيجاب إيليا**

- آخاب أخبر إيزابيل اللي أرسلت تهدّد إيليا بالقتل ... و إيليا هرب بعد تهديد إيزابيل له (رغم إن دي مش حاجة جديدة)
- أكيد كتر المواجهات تَعَب إيليا الناسك اللي اشتاق لحياة الوحدة ثاني
- ربنا بعث له ملاك بوجبة جميلة و طبطب عليه و كلفه ب3 مهام, هو عمل واحدة منهم: إنه دعى إيشع يكون تلميذ له عشان يمسك مكانه

🎤 نقدر نسمع أكثر عن هذا الإيجاب المفاجئ في وعظة الإيجاب وقت الانتصار


● **إصحاح 20: الله يتمجد مع آخاب, و لكن!**

- بنهدد ملك آرام القوي جداً بجيشه نوى الشر على إسرائيل و استهزأ بيهم ... آخاب رفض, وبدأت الاستعدادات للحرب, و بنلاقي ربنا بعث نبي برسالة تعزية لآخاب إن ربنا معه ويعطيه النصر

- و حصل فعلاً و ربنا أعطى الانتصار لإسرائيل في حرب أولى وثانية ... لكن للأسف ملك آرام ضحك على آخاب عشان يسيبه يعيش، فاستحيا آخاب بنهدد و صادقه رغم خطورة الملك ده على إسرائيل
- ربنا غضب على آخاب و قال له إن فيه عقاب بسبب التصرف ده ... و آخاب اتضايق لكن لم يتب

● إصحاح 21 و 22: نهاية آخاب

- آخاب بعد فترة كان عايز ياخذ حقل من واحد اسمه نابوت و يعطيه مال أو حقل غيره ... ورفض نابوت يفرط في ميراث آبائه (و ده الصح اللي بتقوله الشريعة)
- آخاب حكى لإيزابل اللي لقتت تهمة لنابوت إنه بيجدف، فرجم نابوت و راح الحقل لآخاب ... و على طول ربنا بعث الرد مع إيليا: في المكان الذي لحست فيه الكلاب دم نابوت تلحس الكلاب دمك أنت أيضاً
- آخاب لما سمع الكلام ده انكسر و اتضع (مؤقتاً) و ربنا قدام التواضع ده قال إنه يجلب العقاب بعد أيام آخاب
- للأسف التوبة لم تستمر: بعد 3 سنين من السلام، فكر آخاب إنه يحارب ملك آرام ... و الأنبياء الكذبة اللي كان يحاول نفسه بيهم شجوعه، و تب إن يهوشافاط الملك التقي ملك يهوذا ينضم إليه (يهوشافاط قال نسأل نبي حقيقي مش كاذب، و ربنا أرسل على فم ميخا بن يملة النبي قال له بلاش تحارب و خليك في سلام)
- للأسف آخاب ماسمعش الكلام و أمر بسجن ميخا ... و خوفاً من نبوة ميخا (قال له إنه يموت في الحرب)، تنكر آخاب و دخل الحرب كواحد عادي، لكن كلام ربنا تم، و سهم غير مقصود قتله بينما نجى يهوشافاط الملك اللي لم يتنكر



ملوك سفر ملوك الأول - من وعظة 5- ملوك إسرائيل ويهوذا الاوائل - ابونا لوقا ماهر

فتقدم إيليا إلى جميع الشعب وقال: «حتى متى تعرجون بين الفرقتين؟ إن كان الرب هو الله فاتبعوه، وإن كان البعل فاتبعوه». فلم يجبه الشعب بكلمة.

ملوك الأول 18 : 21

- إيليا به في وقت كان الشعب فعلاً محتاج حد يفوقه
- و بعد 3 سنين من غير مطر أكيد الشعب كانوا عارفين إن البعل مش هو الله ... لكن كانوا مش قادرين يمشوا ورا ربنا عشان كده مارذوش
- لقا المعجزة حصلت عملت نهضة روحية و الشعب تاب و رجع المطر
- نحس خلاص كده الوضع هابتعدل و يعود إسرائيل لربنا ... لكن للأسف التوبة ماستمرتش بل عاد الشعب يعرج بين الفرقتين تاني

نتعلم إيه؟

ربنا أعطى آخاب فرص كثير جداً للتوبة (مرة بالعقاب و الحرمان من المطر، و مرة بمعجزة النار و عودة المطر، و مرة إنه وقف معه و نجّاه من جيش أرام) رغم شر آخاب لكن آخاب كان

خايب فعلاً و ضيِّع كل الفرص دي

يا رب خليني أستغل كل فرص التوبة اللي قدامي قبل ما تخلص و ينتهي بي العمر 🙏



المراجع 📖

- Bible Project
- فتشوا الكتب (أبونا داود لمعي)
- تبسيط سفر ملوك الأول (أبونا لوقا ماهر)